



**NGRITJA
E ZËRIT**

Tel: 044 195-113
044 633-325
Adresa: Rruga e UÇK-së,
Skenderaj
Email: info@ngritjaezerit.org
Web: www.ngritjaezerit.org

GJYKATES KOMUNALE NE SKENDERAJ

PADITES: Ali Durmishi nga fshati Rakinicë, 41000 Skenderaj, Republika e Kosovës

E PADITUR: REPUBLIKA E SERBISË – Qeveria e R.S. rr. e Nemanjës
nr.11 11000 Beograd

PADI PER KOMPENZIM DEMI

Propozim për lirim nga pagimi i shpenzimeve procedurale (sipas nenit 7 te Udhëzimit Administrativ nga K.GJ. 2008/02 dhe neni 468.1 te Ligji Nr. 03/L-006)

Objekt kontesti : Kompensimi dëmit

Vlera e kontestit : 265 300 €

1.) Padiësi se bashku me 10 anëtar te familjes nga forcat serbe është detyruar ta braktise shtëpinë si rezultat i dhunës gjate luftës se viteve 1998-1999.

Provë : - Kërkesa nr.580- 121 e datës 02.02.2009

- Deklarata për bashkësinë familjare sipas numrit rendor 035-2947 e datës 02.02.2009

- Vërtetimi nga Drejtoria për Urbanizëm nr.325-215 i datës 02.02.2009,mbi shkatërrimin e shtëpisë familjare

2.) Padiësi me anëtarët e familjes është pronar i sendeve te luajtshme dhe te pa luajtshme te cilat janë krijuar nga puna e përbashkët dhe trashëgimia , kjo patundshmëri përbehet prej shtëpisë së shkatërruar nga forcat serbe ne sipërfaqe prej 98 m², duke përfshirë teknikën e bardhe dhe mobilierinë e 4 dhomave te gjumit,odës (objekt i veçantë i destinuar për ndeje te burrave) ne sipërfaqe prej 55 m², pastaj hambarit të drithit me 4000 kg. grurë e 200 kg miell, koshit te misrit 2000 kg. misër, bagëtisë prej 2 krerë lopë, më 2 vjeta

3.)Viktimitës nga forcat ushtarake policore serbe të udhëhequra direkt prej qeverisë se Serbisë e cila ka kryer veprime gjenocidiale , krime kundër njerëzimit, i është shkatërruar pasuria , është detyruar ta braktis vendbanimin se bashku me fëmijët ne kohë zgjatje pre 8 muaj, 6 muaj me qëndrim ne lagjen ”Tavnik” të Mitrovicës qe nga data 4 prill te vitit 1998, është kthyer ne shtëpi dhe prapë ne vitin 1999, me datën 29 prill duke

pa rrethimin e fshatit nga forcat serbe ju është deshtë të ikim nga shtëpia ,fillimisht ne drejtim të fshatit Tushilë, nga aty është fut ne kolonë për ne Shqipëri, ndërsa prapë me urdhër janë kthye nga fshati Klinë,dhe nga aty deri ne çlirimin e vendit me anëtar të familjes ka qëndruar nëpër male për rreth fshatrave simotra nënë qiell të hapur,e tani prapë janë kthyer ne gërmadha, për ta vazhduar jetën, kuptohet ne rrethana të vështira, pa kulm mbi kokë dhe pa artikuj ushqimor.

Prova:- Dëgjimi i paditësit dhe dëshmitarëve të propozuar si dhe provave të tjera të cilat paditësi do të prezantoj në seancat e shqyrtimit kryesor dhe në rast nevojë të caktohet edhe eksperti përkatës

Paditësit nuk i është mundësuar ekzekutimi i vendimit mbi pensionimin, pra edhe përkundër pensionimit me datën 21.09.1988, fare nuk ka marr pension.

Provë: Vendimi mbi pensionimin i datës 21.09.1988 me nr.367 (pjesërisht i lexuar) nga akti i fotokopjuar.

4.) Të drejtën për kompensim paditësi e bazon në nenin 185 të LMD (G. Z. e RSFJ , Nr. 29 /78) në lidhje me nenin 180.1 të të njëjtit Ligj , me të cilin është paraparë që për demin e shkaktuar ndaj pasurisë të personave fizik si rezultat i dhunës dhe terrorit , përgjegjëse është „ Bashkia shoqërore politike ” e në këtë rast e paditura ka qenë e obliguar të pengoj aktet e vrasjes , dhunës, terrorit , dëmtimit , asgjësimit dhe vjedhjes së pasurisë së paditësit. .

Konventa Evropiane për Mbrojtjen e të Drejtave dhe Lirive të Njeriut (neni 1 Protokollin nr. 1 , neni 2 dhe protokollin nr. 6 , neni 3 , neni 5 (5) , neni 10 dhe neni 14) .

Paditësi propozon që kjo Gjykatë të caktoj shqyrtimin kryesor të çështjes , t'i shfrytëzoj informatat e dhura nga mjetet provuese të propozuara dhe

1.) pastaj të bjen këtë :

AKTGJYKIM

I. Aprovohet kërkesë padija e paditësit Ali Durmishi me vendbanim në fshatin Rakinicë , 41000 Skenderaj Republika e Kosovës, në tersi si e bazuar .

II.Obligohet e paditura Qeveria e Serbisë si pasardhëse juridike e Qeverisë së më parshme që në emër të të njëjtës të kompensoj demin material dhe jo material paditësit Ali Durmishit me vendbanim në f.sh.Rakinicë - 41000 Skenderajt Republika e Kosovës, duke ja paguar;

- shumen prej 48 000 € për dhembjen shpirtërore dhe të munduarit , ndjekjes nga shtëpia , banimi në qiell të hapur dhe shtëpi të huaja
- shumen prej 50 000 € për shkak të pamundësuarit e krenimit të festave fetare në shtëpi, vizitën dhe nderimin e varrezave , humbjes së kontaktit me farefis dhe të afërmit
- shumen prej 155 600€ për shtëpinë, odën, hamarin më drithë dhe me miell si dhe koshin me misër të shkatërruar
- shumen prej 8 000 € për teknikën e bardhe në sallon dhe mobilierinë e 4 dhomave të gjumit
- shumen prej 1200 € për bagëtinë e plaçkitur; 2 krerë lopë dhe 2 vjeta.
- Shumën prej 2500€ në emër të ndaljes së pensionit për 10 vite i cili ishte në shumë ë mujore prej 250€

te gjitha këto shuma me kamatë ligjore qe nga dita e ngritjes se padisë e deri ne ditën e pagesës definitive të gjitha këto në afatin prej 15 ditësh nga dita e plotfuqishmërisë se aktgjykimit , nen kërcënim te përmbarimit te dhunshëm .

Pala e paditur te paguaj shpenzimet procedurale te kësaj çështje juridike në afat prej 15 ditësh nga dita e plotfuqishmërisë se aktgjykimit, nen kërcënim te përmbarimit te dhunshëm .

1.) të bihet :

AKTVENDIM

Mbi miratimin e propozimit te paditëses në ter çështjen juridike mbi lirimin nga pagimi i taksave dhe shpenzimeve tjera procedurale duke marr parasysh gjendjen e vështir ekonomike te paditëses ne kuptim me nenin te Udhëzimit Administrativ nga K.GJ. 2008/02 dhe neni 468.1 te Ligji Nr. 03/L-006 .

Skenderaj , me dt. 03.05.2010

Paditësi

Ali Durmishi

Shtojcë :

1. Kërkesa për kompensimin e dëmeve te luftës nr. 580- 121 e datës 02.02.2009
2. Deklarata për bashkësinë familjare sipas numrit rendor. 035-2947 e datës 02.02.2009
3. Vendimi mbi pensionimin i datës 21.09.1988 me nr.pjesrisht te lexuar 367 nga akti i fotokopjuar.
4. Vërtetimi nga Drejtoria për Urbanizëm nr.325-215 i datës 02.02.2009, mbi shkatërrimin e shtëpisë familjare
5. 4 kopje te padisë